

KERATAN AKHBAR

TARIKH : 6 MAC 2024

AKHBAR : BERITA HARIAN

MUKA SURAT : 12

Wakaf MARA MADANI buka peluang baharu Bumiputera

Wakaf MARA MADANI buka peluang baharu Bumiputera

• Pelaksanaan mekanisme wakaf dapat menyokong usaha kerajaan membasmu dan menoktahkan kemiskinan di setiap peringkat

• Pembentukan Wakaf MARA MADANI sebenarnya menjadi langkah penting usaha memperkuat asas sosial dan ekonomi komuniti Bumiputera



Oleh Prof Madya Dr Suhaimie Saahar
bhrencana@bh.com.my

Dalam usaha meningkatkan kesejahteraan sosial dan ekonomi komuniti Bumiputera, kerajaan mengambil langkah progresif dengan pengumuman pembentukan Wakaf Majlis Amanah Rakyat (MARA) MADANI seperti diumumkan Perdana Menteri, Datuk Seri Anwar Ibrahim.

Pengarah Pusat Pengajian Perangasraf Media dan Infomasi, Fakulti Komunikasi dan Pengajian Media, Universiti Teknologi MARA (UTM)

Inisiatif ini diumumkan pada penutupan Kongres Ekonomi Bumiputera (KEB) 2024 di Pusat Konvensyen Antarabangsa Putrajaya (PICC), menandakan komitmen kuat kerajaan dalam membina ekosistem lebih inklusif dan berkesan untuk pembangunan komuniti Bumiputera.

Pengumuman khas ini akan memberikan satu dampak besar kepada usaha pembangunan ekonomi Bumiputera yang

hari ini sedang berdepan dengan cabaran baharu yang memerlukan pengetahuan, kemahiran, teknologi, pengurusan dan kemampuan dalam memastikan hasrat besar ini dapat dilaksanakan.

Hakikatnya, wakaf menjadi instrumen kewangan Islam, memiliki sejarah panjang dalam membantu pembangunan sosial dan ekonomi dalam masyarakat. Melalui pembentukan Wakaf MARA MADANI, kerajaan berharap dapat memanfaatkan potensi besar wakaf dalam memajukan pendidikan, kebajikan, kesihatan dan keusahawanan Bumiputera.

Dengan penyediaan geran peluncuran sebesar RM100 juta dan sasaran pengumpulan dana minimum RM1 bilion dalam dua tahun, wakaf ini diharapkan akan menjadi sumber pembiayaan berkelanjutan untuk inisiatif yang dapat meningkatkan kualiti hidup dan membuka peluang ekonomi bagi komuniti Bumiputera.

Berlandaskan mekanisme terbuka ampuh dalam sejarah panjang tamadun itu, ia diharapkan mampu mengubah kedudukan ekonomi Bumipu-

tera dalam menghadapi persaingan hebat pada masa ini dan juga tempoh ke hadapan.

Kita berkeyakinan pelancaran Wakaf MARA MADANI membuka peluang baharu dalam pendidikan dengan menyediakan lebih banyak sumber untuk biasiswa, infrastruktur pendidikan dan program pembangunan kemahiran.

Dengan peluang baharu terbuka kepada golongan Bumiputera, ia pastinya dapat memperkakan modal insan dan mewujudkan lebih banyak ruang baharu terutama kepada golongan belia dan wanita.

Dalam aspek kesihatan, wakaf ini diharapkan dapat meningkatkan akses ke perkhidmatan kesihatan berkualiti, terutama di kawasan yang kurang berkembang. Dari segi kebalikan, wakaf akan membiayai program menangani isu kemiskinan dan memberikan sokongan kepada individu dan keluarga memerlukan.

Pastinya, pelaksanaan mekanisme wakaf ini dapat menyokong usaha kerajaan untuk membasmu dan menoktahkan kemiskinan di setiap peringkat.

Selain itu, dengan fokus pada keusahawanan, Wakaf MARA MADANI bertujuan menggalakkan pertumbuhan ekonomi dan pembangunan usahawan Bumiputera melalui dana hibah, pinjaman

mikro, dan program pembangunan kapasiti. Lebih banyak program dan aktiviti keusahawanan serta perniagaan terutama dalam sektor ekonomi digital dapat diperluaskan lagi.

Kerjasama semua pihak

Bagaimanapun, harus diingatkan keberhasilan Wakaf MARA MADANI memerlukan kerjasama erat antara kerajaan, sektor swasta, badan kebajikan dan masyarakat sendiri.

Hal ini bagi memastikan dana dikumpulkan digunakan secara efektif untuk mencapai impak maksimum. Kolaborasi ini juga memungkingkan pertukaran pengetahuan, kemahiran dan sumber daya, yang semuanya penting untuk mencapai tujuan pembangunan yang berkelanjutan.

Kemampuan sebenar hanya mampu dilaksanakan dengan usaha sinergi strategik berterusan.

Dengan fokus pada pembangunan ekonomi dan sosial inklusif, Wakaf MARA MADANI tidak hanya menyasar penyelesaian masalah jangka pendek tetapi juga membangun asas untuk kemajuan jangka panjang.

Pelaburan dalam pendidikan dan keusahawanan, misalnya akan menciptakan generasi mendatang lebih terdidik dan berdaya saing. Ini pada gilirannya, dapat mengurangi ketidaksetaraan dan memperkuat ekonomi nasional.

Jurang ekonomi dan sosial juga mampu dikurangkan dan dikeselikan hasil impak jangka panjang yang diusahakan secara konsisten dan strategik.

Walaupun inisiatif ini memiliki potensi besar, terdapat beberapa halangan perlu diatasi, termasuk pengelolaan dana efisien, ketelusan dan keberlanjutan projek. Bagi mengatasi hal ini, adalah penting bagi Wakaf MARA MADANI untuk menggunakan praktik terbaik dalam pengelolaan dan pelaporan dana serta memastikan partisipasi dan pengawasan masyarakat dalam kegiatan wakaf.

Hal ini selaras dengan seruan Perdana Menteri yang sangat menekankan aspek tatakelola bersih dan bebas rasuah.

Pembentukan Wakaf MARA MADANI sebenarnya menjadi langkah penting dalam usaha memperkuat asas sosial dan ekonomi komuniti Bumiputera di negara ini.

Melalui pendekatan holistik dan inklusif, mekanisme wakaf ini menawarkan jalan menuju pembangunan berkelanjutan, mampan dan peningkatan kualiti hidup.

Dengan komitmen kuat daripada semua pihak, Wakaf MARA MADANI berpotensi menjadi model untuk inisiatif serupa pada masa depan, tidak hanya di Malaysia tetapi juga di negara lain yang mencari solusi inovatif untuk pembangunan sosial dan ekonomi.

Melalui kerjasama, dedikasi dan inovasi, Wakaf MARA MADANI menjanjikan era baharu kesejahteraan untuk komuniti Bumiputera, membuka peluang lebih banyak dan menciptakan masa depan lebih cerah dan inklusif bagi semua.

Oleh itu, usaha ini perlu disambut baik oleh semua pihak dan keutamaan dari segi kemampuan serta kalis masa depan perlu ada bagi memastikan nasib Bumiputera terus terjamin.

Wakaf MARA MADANI menjanjikan era baharu kesejahteraan untuk komuniti Bumiputera membuka peluang lebih banyak dan menciptakan masa depan lebih cerah dan inklusif bagi semua

